

**2027–2031 Phiaj Xwm Hauv Xeev
Pawg Thawj Coj Wisconsin rau Cov Neeg Xiam Oob Qhab Kev Loj Hlob**

Txoj Cai Pab Rau Cov Neeg Xiam Oob Qhab Kev Loj Hlob thiab Pav Rau Yam Muaj Cai Ua ([Developmental Disabilities Assistance and Bill of Rights Act](#), DD Act) hais tias txhua lub xeev yuav tsum tsim ib Pab Pawg Txhim Kho Kev Loj Hlob Ntawm Cov Neeg Xiam Oob Qhab (Developmental Disabilities (DD) Council). Pawg Thawj Coj Wisconsin rau Cov Neeg Xiam Oob Qhab Kev Loj Hlob (BPDD) yog Wisconsin Pab Pawg Txhim Kho Kev Loj Hlob Ntawm Cov Neeg Xiam Oob Qhab (DD).

Txhua tsib lub xyos, Pawg Thawj Coj Wisconsin rau Cov Neeg Xiam Oob Qhab Kev Loj Hlob tsim ib daim phiaj xwm tshiab hauv xeev los txhim kho lub neej ntawm cov neeg xiam oob qhab kev txawj ntse thiab kev loj hlob (I/DD). Peb ua haujlwm kom paub tseeb tias lawv raug suav nrog thiab muaj peev xwm koom tes hauv lawv lub zej zog thaum tseem nyob noj qab nyob zoo thiab muaj kev nyab xeeb.

Qhov phiaj xwm hauv xeev yuav tsum ua raws li txhua yam uas DD Txoj Cai qhov tseev kom ua tau. Qhov no suav nrog kev muaj ib lub hom phiaj lossis lub hom phiaj tshwj xeeb txog kev tawm suab rau tus kheej txhua xyoo. Nws yuav tsum muaj:

- 1) kev txhawb nqa rau ib lub koom haum tawm suab rau tus kheej thoob plaws lub xeev,
- 2) ua kom paub tseeb tias cov neeg muaj I/DD muab kev cob qhia ua thawj coj rau lawv cov phooj ywg, thiab
- 3) pab txhawb kom cov neeg muaj I/DD koom tes hauv cov koom haum thawj coj uas muaj ntau hom kev xiam oob qhab.

Nom Tsoom fwv teb chaws xav kom Cov Pawg Txhim Kho Kev Loj Hlob Ntawm Cov Neeg Xiam Oob Qhab:

- txheeb xyuas cov hom phiaj uas yuav ua tiav tau hauv tsib lub xyos los ntawm kev siv cov peev txheej uas ib txwm muaj,,
- tsom rau cov kev hloov tag nrho hauv pawb pawg hauj lwm, tsis yog muab kev pab cuam ncaj qha,
- tsis koom nrog kev ua raws cai lij choj xws li kev foob, thiab
- muaj ib lub hom phiaj tsom rau kev teb rau kev puas tsuaj uas tsis tau npaj tseg.

Txhawm rau tsim peb daim phiaj xwm hauv xeev, peb tau sau tswv yim los ntawm ntau dua 500 tus neeg muaj I/DD thiab lawv tsev neeg, cov neeg muab kev pab, thiab cov neeg tawm suab hauv lub sijhawm ib xyos. Lawv tau qhia lawv cov kev txhawj xeeb thiab kev npau suav. Cov teeb meem tseem ceeb uas muaj xws li xav tau kev hwm, meej mom, thiab kev lees txais ntau dua; xav tau kev nthuav kev tawm suab rau tus kheej thiab tsev neeg; nthuav kev siv kev txhawb los ntawm phooj ywg; daws teeb meem kev tsis txaus neeg saib xyuas; kev poob qis ntawm kev noj qab nyob zoo thiab tsis muaj kev pab txog kev noj qab haus huv ntawm lub hlwb, kev ua haujlwm, thiab kev kawm. Txhawm rau txiav txim siab tias yuav tsom rau thaj chaw twg thiab siv cov peev txheej li cas kom zoo tshaj, cov tswv cuab BPDD pawg thawj coj tau xav txog cov tswv yim, cov ntaub ntawv, thiab qhov xwm txheej tam sim no ntawm lub xeev thiab tsoom fwv.

Hauv qab no yog Daim Phiaj Xwm Hauv Xeev nrog cov hom phiaj, cov phiaj xwm, thiab cov piv txwv ntawm cov haujlwm uas peb yuav siv kom mus txog lawv. Qhov phiaj xwm no yuav tsum xa mus rau Tsoom Fwv Chaw Haujlwm Pab Rau Cov Neeg Xiam Oob Qhab kev Loj Hlob thiab Kev Txawj Ntse thaum Lub Yim Hli 2026.

2027–2031 Phiaj Xwm Hauv Xeev

Lub Kaum Hli Hnub Tim 1, 2026 – Lub Cuaj Hli Hnub Tim 30, 2031

Pawg Thawj Coj Wisconsin rau Cov Neeg Xiam Oob Qhab Kev Loj Hlob (BPDD) muaj lub hom phiaj los coj txhua tus neeg hauv Wisconsin los pab txhawb cov neeg muaj kev tsis taus hauv kev txawj ntse thiab kev loj hlob (I/DD) kom lawv muaj peev xwm ua neej ywj pheej dua. BPDD muaj lub luag haujlwm los coj tib neeg los ua ke los daws teeb meem, tshem tawm tej kev thaiv, thiab tsim kev hloov pauv thoob plaws lub xeev rau zej zog ntawm cov neeg muaj kev tsis taus hauv kev loj hlob. BPDD mob siab rau txhim kho **kev ywj pheej, kev tsim tau haujlwm, thiab kev koom ua ke** hauv zej zog ntawm cov neeg muaj kev tsis taus hauv kev txawj ntse thiab kev loj hlob.

Kev ywj pheej txhais tau tias muaj kev xaiv, muaj peev xwm xaiv tau, thiab muaj kev tswj hwm koj lub neej.

Kev tsim tau haujlwm txhais tau tias pab txhawb rau koj tsev neeg, zej zog nyob ib ncig, thiab zej zog dav dav. Nws txhais tau tias ua haujlwm hauv zej zog thiab khwv tau nyiaj los ua neej.

Kev koom ua ke txhais tau tias muaj nyob hauv zej zog, koom nrog hauv lub neej hauv zej zog, thiab raug saib muaj nqis ua ib tug neeg, phooj ywg, tswv cuab tsev neeg, thiab neeg zej zog.

Lub hauv paus (Rationale):

Thaum peb tau sau tswv yim los ntawm cov neeg thoob plaws lub xeev, peb pom tseeb tias ntau tus neeg muaj I/DD thiab lawv tsev neeg xav tias lawv tsis tau txais kev hwm thiab meej mom. Lawv ntsib qhov no hauv ntau txoj kev xws li raug tsim txom thiab tsis muaj suab hais hauv lawv lub neej txhua hnub. Qhov no kuj pom nyob rau hauv tej yam xws li thaum tib neeg yuav tsum sim nkag siab cov txheej txheem kev pab uas nyuaj heev thiab pom kev txiav kev pab thiab cov kev pab cuam uas tib neeg xav tau kom muaj peev xwm nyob taus.

Cov neeg txhawj xeeb txog kev txiav nyiaj rau cov koom haum uas siv cov cai los tiv thaiv tib neeg cov cai. Cov neeg hais tias yuav tsum tso tseg cov kev xav yuam kev txog cov neeg muaj kev tsis taus kom nce kev hwm, meej mom, thiab kev txhawb nqa uas lawv tsim nyog tau txais. Cov neeg kuj tau hais tias cov kev xav yuam kev no cuam tshuam rau kev ntseeg thiab kev xav ntawm zej zog txog cov neeg muaj kev tsis taus thiab lawv kev siv cov kev pab pej xeev.

Cov kev ntseeg tsis yog tseeb no tuaj yeem cuam tshuam cov neeg txiav txim siab thaum lawv txiav txim siab txog nyiaj xtiag, kev txiav kev pab, thiab lwm yam kev coj ua, txoj cai, thiab kev cai lij choj.

Txhawm rau kev daws cov teeb meem no, Lub Hom Phiaj 1 thiab nws cov hom phiaj tsom rau kev hwm meej mom thiab ua kom paub tseeb tias tib neeg cov cai raug hwm. Qhov no suav nrog kev muaj kev txhawb nqa thiab kev ywj pheej los tswj lawv lub neej raws li lawv xaiv thiab muaj peev xwm siv cov peev txheej los txhim kho lawv txoj kev noj qab haus huv ntawm lub hlwb thiab kev noj qab nyob zoo.

Kev hwm meej mom txhais tau tias raug saib zoo li koj muaj nqis vim tias koj yog tib neeg. Nws yog ib yam uas twb muaj lawm hauv koj. Koj tsis tas yuav khwv tau nws. Nws yog tus nqi uas txhua tus neeg muaj. Nws yog txoj cai yooj yim uas txhua tus neeg yuav tsum raug saib tias muaj nqis

Cov cai tib neeg yog cov kev ywj pheej thiab kev tiv thaiv yooj yim uas txhua tus neeg muaj tsuas yog vim lawv yog tib neeg. Cov no yog cov cai uas hais tias tib neeg muaj nqis thiab yuav tsum raug kho kom ncaj ncees, muaj kev nyab xeeb, thiab nrog kev hwm. Koj tsis tas yuav khwv tau cov cai no, thiab lawv yuav tsum tsis raug muab tshem tawm. Nov yog qee yam piv txwv ntawm cov cai tib neeg:

- Pov npav
- Kev ceev ntiag tug
- Kev tswj koj cov nyiaj
- Tsis raug lwm tus ua phem muab tua
- Txiaiv txim koj lub sijhawm thiab tus neeg koj xav nyob nrog
- Ua koj tus kheej qhov kev xaiv

Lub Hom Phiaj 2 thiab nws cov hom phiaj tsom rau kev nthuav dav cov kev txawj hauv kev tawm suab thiab kev ua thawj coj ntawm cov neeg muaj I/DD thiab lawv tsev neeg kom lawv muaj kev tswj hwm ntau dua txog seb cov txheej txheem thiab kev txiav txim siab ua haujlwm li cas thiab cuam tshuam rau lawv lub neej li cas. Qhov no suav nrog cov sijhawm rau kev tawm suab thiab kev cob qhia ua thawj coj. Nws kuj suav nrog ntau dua kev kawm los ntawm phooj ywg (peer-led education) thiab kev qhia los ntawm phooj ywg (peer mentoring), uas tau pom

tias muaj kev cuam tshuam zoo rau ob leeg: cov neeg uas tau txais kev kawm thiab kev qhia, thiab cov txheej txheem uas cov kev pab tshiab no yog ib feem.

Kev piav qhia cov ntsiab lus (Definitions):

Pab Pawg Ua Hauj Lwm Pab Rau Cov neeg Xiam Oob Qhab Kev Loj Hlob: Ntxiv rau kev tsim ib Pab Pawg Txhim Kho Kev Loj Hlob Ntawm Cov Neeg Xiam Oob Qhab, DD Act xav kom txhua lub xeev tsim ib lub Koom Haum Pab Tiv Thaiv thiab Txhawb Nqa (Protection and Advocacy Agency,P&A) thiab ib lub Tsev Kawm Ntawv qhia Kev Txawj Ntse Rau Cov Neeg Xiam Oob Qhab Kev Loj Hlob (University Center on Excellence in Developmental Disabilities, UCEDD). Hauv Wisconsin, Wisconsin Cov Cai Rau Neeg Xiam Oob Qhab yog P&A, thiab Tsev Kawm Waismanhauv Tsev Kawm Theem Siab Wisconsin–Madison yog UCEDD. Peb lub koom haum no ua ke hu ua Pab Pawg Ua Hauj Lwm Pab Rau Cov neeg Xiam Oob Qhab Kev Loj Hlob (Developmental Disabilities Network).

Kev hwm meej mom: raug saib zoo li koj muaj nqis vim tias koj yog tib neeg.

Cov cai tib neeg: tej yam uas tib neeg muaj kev ywj pheej muaj lossis ua tau. Cov cai raug txiav txim los ntawm cov cai lij choj thoob ntiaj teb, cov cai hauv Teb chaws Meskas, thiab cov cai hauv xeev.

Kev pab pej xeem: tej yam uas tsoom fwm muab los pab txhawb koj xws li kev kho mob, kev pab zaub mov, lossis vaj tsev nyob.

Kev tawm suab rau tus kheej: hais lus rau koj tus kheej; hais yam koj xav tau thiab yam koj xav tau kev pab.v

Kev tswj tus kheej: coj los yog tswj koj lub neej lossis koj txoj haujlwm lossis cov kev txhawb nqa.

Kev noj qab nyob zoo: yam koj xav thiab hnov txog koj lub neej; seb koj puas txaus siab rau koj lub neej thiab puas xav tias yam koj ua muaj txiaj ntsig.

Lub Hom Phiaj 1: Cov neeg muaj I/DD muaj kev hwm thiab muaj kev paub tias lawv yog ib feem ntawm zej zog

xog Lub Cuaj Hli 2031, cov neeg muaj kev tsis taus hauv kev txawj ntse thiab kev loj hlob (I/DD) thiab lawv tsev neeg raug kho nrog kev hwm thiab siv lawv cov

cai tib neeg kom lawv muaj peev xwm koom nrog thiab yog ib feem ntawm lawv cov zej zog.

Lub Hom Phiaj 1: Txhim kho tib neeg kev noj qab nyob zoo

Txog Lub Cuaj Hli 2031, raws li BPDD cov haujlwm, 500 tus neeg muaj I/DD yuav muaj kev noj qab nyob zoo dua los ntawm kev sib txuas nrog lwm tus, txiav txim siab txog lawv lub neej, thiab siv tau cov kev pab txog kev noj qab haus huv ntawm lub hlwb hauv zej zog.

Lub Hom Phiaj 2: Txhawb kom tib neeg ua tau raws li lawv cov kev xav tau thiab siv lawv cov cai

Txog Lub Cuaj Hli 2031, los ntawm kev koom nrog BPDD cov haujlwm, 1,000 tus neeg muaj I/DD thiab lawv tsev neeg yuav muaj peev xwm ua tau raws li lawv cov kev xav tau zoo dua los ntawm kev siv lawv cov cai.

Lub Hom Phiaj 3: Teb rau xwm txheej ceev thiab kev puas tsuaj ntuj tsim, yog tias tsim nyog

Txog Lub Cuaj Hli 2031, BPDD yuav koom tes nrog Pab Pawg Ua Hauj Lwm Pab Rau Cov neeg Xiam Oob Qhab Kev Loj Hlob, cov koom haum hauv xeev, thiab/lossis lwm cov koom haum los teb rau kev puas tsuaj ntuj tsim lossis kev puas tsuaj los ntawm tib neeg uas cuam tshuam rau cov neeg muaj I/DD thiab lawv tsev neeg.

Cov haujlwm uas pom zoo:

- Muab kev kawm thiab kev cob qhia rau cov neeg muaj kev tsis taus, tsev neeg, thiab cov neeg muab kev pab txog cov cai thiab yuav tiv thaiv lawv li cas.
- Nrhiav cov qauv kev pab txog kev noj qab haus huv ntawm lub hlwb uas ua haujlwm zoo thiab siv lawv hauv lwm qhov chaw hauv lub xeev.
- Koom tes nrog cov koom tes hauv Pab Pawg Ua Hauj Lwm Pab Rau Cov neeg Xiam Oob Qhab Kev Loj Hlob hauv kev ua haujlwm txog kev noj qab haus huv ntawm lub hlwb.
- Muab kev kawm txog txhua yam kev xaiv hauv kev txiav txim siab uas muaj.
- Muab kev kawm rau cov neeg muab kev pab thiab cov lag luam txog kev txhawb nqa ntuj tsim thiab kev txhawb nqa them nyiaj los ntawm cov phooj ywg ua haujlwm hauv chaw haujlwm.

- Txhawb cov haujlwm pov npav.
- Tsim ib webinar series txhua peb lub hlis txog cov ncauj lus uas tib neeg txaus siab xws li kev npaj rau yav tom ntej, cov qauv kev pab cuam sib koom tes; kev siv lus yooj yim; kev paub siv digital thiab kev txhawb nqa thev naus laus zis, thiab lwm yam.
- Tsim ib lub rooj sib tham thoob plaws lub xeev los pab tib neeg tswj lawv cov kev pab thiab lawv lub neej.

Lub Hom Phiaj 2:

Txog Lub Cuaj Hli 2031, lub suab ntawm cov neeg muaj I/DD yuav cuam tshuam txhua yam txheej txheem thiab kev txiav txim siab kom cov neeg muaj kev tsis taus thiab lawv tsev neeg muaj lub neej zoo dua.

Lub Hom Phiaj 1: Nce kev tawm suab

Txog Lub Cuaj Hli 2031, BPDD yuav ntxiv dag zog los txhawb rau peb lub koom haum mus thoob plaws lub xeev thiab txhim kho kev txawj ntse hauv kev tawm suab ntawm 900 tus neeg muaj I/DD kom nce tus naj npawb ntawm cov neeg siv cov kev txawj no kom muaj txiaj ntsig. *(self-advocacy requirement)*

Lub Hom Phiaj 2: Nce kev ua thawj coj

Txog Lub Cuaj Hli 2031, vim yog BPDD cov haujlwm, 1,000 tus neeg muaj I/DD thiab lawv tsev neeg yuav ua lub luag haujlwm ua thawj coj hauv lawv cov zej zog thiab muab kev cob qhia ua thawj coj rau lawv cov phooj ywg. *(self-advocacy requirement)*

Lub Hom Phiaj 3: Qhia cov neeg tsim txoj cai thiab lwm tus thawj coj

Txog Lub Cuaj Hli 2031, Pawg Thawj Coj yuav ua tus pab tswv yim txog txoj cai rau lub koom haum tsim txoj cai, Tus Tswv Xeev (Governor), thiab lwm tus neeg tsim txoj cai txog cov cai uas cuam tshuam txhua yam ntawm lub neej hauv zej zog, kev txiav txim siab, thiab kev koom nrog tag nrho. Qhov no yuav ua rau muaj 25 txoj cai lossis kev coj ua uas nce lossis tiv thaiv kev koom nrog hauv zej zog, kev txiav txim siab, thiab kev koom nrog tag nrh.

Cov haujlwm uas pom zoo:

- Txhawb nqa rau ib lub koom haum txib tib neeg mus thoob plaws lub xeev kom ntxiv dag zog rau nws cov ceg koom haum thiab muab sijhawm rau cov tswv cuab koom nrog cov haujlwm tawm suab.
- Txhawb nqa rau cov cib fim uas muaj cov neeg xiam oob qhab thiab tsev neeg txuas lus nrog cov cov koom haum tsim txoj cai kom qhia rau pej xeev paub thiab tiv thaiv (advocate) cov teeb meem uas tseem ceeb rau lawv.
- Muab kev cob qhia txog kev tawm suab thiab kev ua thawj coj rau cov hluas thiab cov neeg laus uas muaj I/DD thiab rau lawv tsev neeg.
- Tswj thiab npaj cov cib fim mus sib koom tes nrog rau cov neeg muaj I/DD thiab tsev neeg hauv cov koom haum hauv xeev thiab cov koom haum ua haujlwm txog kev xiam oob qhab.
- Nthuav kev kawm los ntawm phooj ywg (peer education) thiab kev qhia los ntawm phooj ywg (peer mentoring) hauv txhua thaj chaw.
- Txhawb nqa thiab npaj cov neeg uas muaj I/DD thiab lawv tsev neeg kom sib koom cov hauj lwm tswj xyuas, thiab cov hauj lwm tswj xyuas hauv koom haum zej zos.
- Pab cov koom haum nrog cov tswv yim kom suav nrog cov neeg uas muaj kev paub tiag hauv lub neej hauv lawv cov pawg thawj coj thiab thoob plaws hauv lawv lub koom haum.
- Koom nrog cov pawg ua haujlwm los mus hloov tswv yim txhawb kev koom nrog ntawm cov neeg muaj I/DD hauv txhua feem ntawm lub neej hauv zej zog.
- Qhia cov neeg tsim txoj cai thiab lwm tus neeg txiav txim siab txog cov teeb meem uas cuam tshuam rau cov neeg muaj I/DD thiab lawv tsev neeg, thiab tias cov cai thiab kev cai lij choj yuav cuam tshuam tib neeg li cas.

Cov ntaub ntawv xwm txeej uas tuaj yeem nkag mus nyeem tau:

Daim Phiaj Xwm Hauv Xeev muaj sau ualua Spanish, Hmong, thiab lus Askiv uas siv lus yooj yim (plain language English). Yog tias koj xav tau muab saum ua lwm yam lus lossis lwm hom qauv, thov xa email rau molly.cooney@wisconsin.gov lossis hu rau 608-266-0266.

Daim phiaj xwm no yuav tsum xa mus rau lub Koom Haum Office of Intellectual and Developmental Disabilities ua ntej Lub Yim Hli 15, 2026.